

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Neapoli MCCLX

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92065] Cap. Neapoli 1260, tit. 1 In nomine patris et filii et spiritus sancti amen

[92066] Cap. Neapoli 1260, tit. 2 Hec sunt acta capituli provincialis Neapoli celebrati anno domini MCCLX

[92067] Cap. Neapoli 1260, n. 1 Ut ordo noster semper in virtute proficiat et sanctitatis recipiat incrementum, oportet nos moderamina abstinentie sollicitius observare. Monemus itaque ut de cetero fratres in domo hospitem cibaria cocta cum carnibus non comedant, et delinquentes per visitatores artius puniantur.

[92068] Cap. Neapoli 1260, n. 2 Item in ieiuniis ordinis non de facili dispensetur, quod in VI feria maxime volumus observari.

[92069] Cap. Neapoli 1260, n. 3 Item volumus quod constitutio de vilitate vestium, et maxime de cappis, melius observetur.

[92070] Cap. Neapoli 1260, n. 4 Item monemus quod iuvenes in etate notabiles ad ordinem non recipiantur.

[92071] Cap. Neapoli 1260, n. 5 Item, ut monitiones et ordinationes bone memorie fr. Ro. prioris provincialis de studio et de biginarum confessionibus audiendis, diligentius observentur, et visitatores quos circa hoc invenerint transgressores acius puniant et eos nihilominus capitulo provinciali nuntiare procurent.

[92072] Cap. Neapoli 1260, n. 6 Item fratres post completorium ad loquendum non redeant, et circa hoc delinquentes per priorem et supriorem acius puniantur et post illam penitentiam completorium iterum dicere teneantur.

[92073] Cap. Neapoli 1260, n. 7 Item monemus ut nullus de cetero de novo ad predicandum licentietur, nisi de fratrum consilio discretorum.

[92074] Cap. Neapoli 1260, n. 8 Item nullus audiat confessiones, nisi in sacerdotio habeat tres annos.

[92075] Cap. Neapoli 1260, n. 9 Capitulum provinciale sequens ponimus Urbeveteri in festo exaltationis crucis.

[92076] Cap. Neapoli 1260, n. 10 Diffinitor capituli generalis fr. Albertus Pulte, socius eius fr. Umbertus de Panzano.

© 2006 *Fundación Tomás de Aquino quoad hanc editionem*  
*Iura omnia asservantur*  
OCLC nr. [49644264](#)

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Urbeveteri MCCLXI

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92077] Cap. Urbeveteri 1261, tit. 1 In nomine patris et filii et spiritus sancti amen

[92078] Cap. Urbeveteri 1261, tit. 2 Hec sunt acta capituli provincialis Urbeveteri celebrati anno domini  
MCCLXI

[92079] Cap. Urbeveteri 1261, n. 1 Cum ordo noster per sapientiam et conversationem laudabilem incrementum  
repperit et vigorem, volumus et monemus quod fratres nostri, tam priores quam alii, sapientie et studiis  
frequentius intendant, et caveant ab omni familiaritate et notabili visitatione mulierum; et visitatores quos  
invenerint circa hoc notabiles, durius corrigant et emendent, et nihilominus priori provinciali studeant nuntiare.

[92080] Cap. Urbeveteri 1261, n. 2 Item monemus ut priores et eorum vicarii circa infirmos curam habeant  
diligentem, et fratres ad serviendum infirmis difficiles se non reddant.

[92081] Cap. Urbeveteri 1261, n. 3 Item monemus et volumus quod fratres, nisi pro magnis causis et piis et  
arduis, non frequentent curias potestatum.

[92082] Cap. Urbeveteri 1261, n. 4 Item monemus quod fratres extra terminos suorum conventuum non  
mittantur ad predicandum, nec questum aliquem faciendum.

[92083] Cap. Urbeveteri 1261, n. 5 Item inhibemus omnibus fratribus conversis quod *pater noster* de ambra vel  
de corallo non portent; et qui portare presumpserint, per priores priventur eisdem.

[92084] Cap. Urbeveteri 1261, n. 6 Item monemus quod ordinationes quas prior provincialis per provinciam  
misit, diligentius observentur; et tam littere magistri hoc anno misse, quam dicte ordinationes singulis duobus  
mensibus legantur fratribus in communi.

[92085] Cap. Urbeveteri 1261, n. 7 Item, ut diffinitores capituli provincialis se valeant citius expedire, monemus  
ut priorum socii petitiones et proclamationes et alias litteras diligentius superscribant.

[92086] Cap. Urbeveteri 1261, n. 8 Capitulum provinciale sequens ponimus Perusii in octavis apostolorum Petri  
et Pauli.

[92087] Cap. Urbeveteri 1261, n. 9 Socius prioris provincialis ad capitulum generale fr. Ildibrandinus prior  
Lucanus.

© 2006 *Fundación Tomás de Aquino quoad hanc editionem*  
*Iura omnia asservantur*  
OCLC nr. [49644264](#)

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Perusii MCCLXII

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92088] Cap. Perusii 1262, tit. 1 In nomine patris et filii et spiritus sancti amen

[92089] Cap. Perusii 1262, tit. 2 Hec sunt acta provincialis capituli Perusii celebrati anno domini MCCLXII

[92090] Cap. Perusii 1262, n. 1 Monemus fratres et districte iniungimus ne libros et res alias sine licentia sui prelati apud extraneas personas deponant; et volumus quod fratres illi qui deposuerunt, ea infra VI dies postquam ad eos hec monitio pervenerit, ad domum reportent vel faciant reportari. Omnes fratres qui contra hoc fecerint, prior provincialis et rebus et libris ex tunc privet predictis.

[92091] Cap. Perusii 1262, n. 2 Item sub eadem restrictione mandamus ut fratres de pecunia pro quacumque causa sibi concessa sine sui prelati licentia mutuare alicui, vel aliquid de ipsa pecunia expendere, seu aliqua contrahere debita non presumant.

[92092] Cap. Perusii 1262, n. 3 Item volumus quod monitio actorum multorum facta quoad confessiones audiendas, vel quod ad quecumque negotia fratres missi se diligenter custodiant et mutuo se videant, de cetero melius et sollicitius observetur; et visitatores quos circa hoc culpabiles invenerint, durius corrigant et nihilominus provinciali capitulo studeant nuntiare.

[92093] Cap. Perusii 1262, n. 4 Item, cum monitio sepe facta fuerit in capitulo quod fratres pretiosis vestibus non utantur, monemus ut huiusmodi monitio diligentius observetur.

[92094] Cap. Perusii 1262, n. 5 Item monemus quod priores vel eorum vicarii regulam et constitutiones faciant diligentius emendari, ita quod visitatores inveniant eas emendatas, et mandamus ipsis visitoribus quod dure super hoc puniant negligentes.

[92095] Cap. Perusii 1262, n. 6 Item inhibemus fratribus omnibus ne sacramentum eucharistie vel etiam unctionis extreme alicui persone extra domum fratrum audeant ministrare, et quod nocte in ecclesiis nostris confessiones non audiant mulierum.

[92096] Cap. Perusii 1262, n. 7 Item mandamus quod fratres qui existentes extra domum carnes non comedunt, si contingat eos ire ad balnea, ibidem carnibus non utantur.

[92097] Cap. Perusii 1262, n. 8 Diffinitor capituli generalis fr. Petrus de Luca, socius eius fr. Benvenutus de Serezana.

© 2006 *Fundación Tomás de Aquino quoad hanc editionem*  
*Iura omnia asservantur*  
OCLC nr. [49644264](#)

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Rome MCCLXIII

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92098] Cap. Rome 1263, tit. 1 In nomine patris et filii et spiritus sancti amen

[92099] Cap. Rome 1263, tit. 2 Hec sunt acta capituli provincialis Rome celebrati anno domini MCCLXIII

[92100] Cap. Rome 1263, n. 1 Prohibemus districte quod nullus frater de negotiis partis civitatum et guerrarum seu confederationibus civitatum vel castrorum ad invicem se aliquo modo intromittat. Quod si aliqui contra fecerint, precipimus districte prioribus et eorum vicariis et visitoribus ut eos graviter puniant, et nihilominus excessum huiusmodi priori provinciali et diffinitoribus sequentis capituli nuntiare procurent.

[92101] Cap. Rome 1263, n. 2 Item monemus fratres quod ad loquendum cum secularibus diligentius caveant, ne signo vel verbo se reddant de aliqua parte notabiles; et si qui inveniantur in aliquo excedere in talibus, durius puniantur.

[92102] Cap. Rome 1263, n. 3 Item monemus fratres omnes quod tam intus quam extra sint solliciti cotidie audire missam ubi commode poterunt, et fratres sacerdotes sint solliciti circa frequentem celebrationem missarum; et qui inventi fuerint negligentes, pena debita corrigantur.

[92103] Cap. Rome 1263, n. 4 Item monemus priores quod fratres conversos in coquina et in aliis officiis occupare studeant, ita quod otio vacare non possint.

[92104] Cap. Rome 1263, n. 5 Item monemus fratres quod ad prelatos et ad alias personas ecclesiasticas se habeant reverenter et de eis nullatenus obloquantur.

[92105] Cap. Rome 1263, n. 6 Item mandamus prioribus omnibus quod fratres notabiliter iuvenes et moribus non maturos ad ordinem sacerdotii non faciant promoveri.

[92106] Cap. Rome 1263, n. 7 Item monemus fratres quod caveant a ludo manuum, et priores durius corrigant quos circa hoc invenerint delinquentes.

[92107] Cap. Rome 1263, n. 8 Item monemus priores et superiores quod fratres iuvenes ad hoc aptos faciant instrui in cantu, et faciant quod tam iuvenes quam alii fratres frequentent scholas et quod repetant lectiones, et compellant eos stare in cellis, et vacantes otio dure corrigant et in aliis officiis et laboribus plus quam alios intendentes studio teneant occupatos.

[92108] Cap. Rome 1263, n. 9 Item monemus quod fratres corrigiam et alia que circa corrigiam sunt non

deferant curiosa.

[92109] Cap. Rome 1263, n. 10 Item monemus priores quod non sint faciles ad dandum licentiam fratribus discurrendi per civitatem, nisi necessitas vel utilitas hoc exposcat.

[92110] Cap. Rome 1263, n. 11 Item volumus et mandamus quod fratres subtillares clausos ad modum bottarum non faciant fieri, nec deferant extra domum. Et qui nunc habent, intra VIII dies corrigant, alias ex tunc priventur eisdem.

[92111] Cap. Rome 1263, n. 12 Item volumus quod priores qui sunt predicatorum generales, in sigillatione litterarum, non sigillis propriis, sed sigillo prioratus utantur; et fratres alii qui non sunt predicatorum generales et habent sigilla sub nomine proprio, infra VIII dies suis prioribus resignent.

[92112] Cap. Rome 1263, n. 13 Ordinamus quod prior sancti Systi teneat ultimum locum inter priores provincie.

[92113] Cap. Rome 1263, n. 14 Electores magistri fr. Iohannes prior Florentinus et fr. Laurentius Tudertinus.

[92114] Cap. Rome 1263, n. 15 Diffinitor capituli generalis fr. Laurentius Tudertinus, socius eius fr. Iohannes Viterbiensis prior Florentinus. Socius prioris provincialis fr. Paulus de Figino.

[92115] Cap. Rome 1263, n. 16 Capitulum provinciale sequens ponimus Viterbii in festo Michaelis, ita quod in vigilia eligantur diffinitores.

© 2006 *Fundación Tomás de Aquino quoad hanc editionem*

*Iura omnia asservantur*

OCLC nr. [49644264](#)



CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Viterbii MCCLXIV

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92116] Cap. Viterbii 1264, tit. 1 In nomine patris et filii et spiritus sancti amen

[92117] Cap. Viterbii 1264, tit. 2 Hec sunt acta capituli provincialis Viterbii celebrati anno domini MCCLXIV

[92118] Cap. Viterbii 1264, n. 1 Quoniam circa honestatem et munditiam ordinis conservandam diligens est adhibenda cautela et insolentes sunt summo studio compescendi, volumus et districte mandamus quod in conventibus Pisano, Florentino, Senensi, Urbeveteris, Perusino, Viterbiensi, Romano et Ananie boni et firmi sint carceres in quibus pestilentes et immundi, si qui, quod absit, tales deinceps inventi fuerint, penis condignis pro meritis puniantur. Et iniungimus districte prioribus conventuum predictorum et eorum vicariis in quibus tales carceres non habentur, quod usque ad dominicam Quadragesime faciant quod mandatum nostrum circa predicta facienda et complenda perfectissime impleatur. Quod si non fecerint, ex tunc qualibet septimana ieiunent II diebus in pane et aqua, quousque predictos carceres fecerint.

[92119] Cap. Viterbii 1264, n. 2 Volumus etiam et iniungimus quod priores et visitatores et alii fratres, si quid certum circa aliquas immunditias invenerint, studeant statim priori provinciali verbo vel scripto intimare, ut contra tales cautelam debitam possit apponere.

[92120] Cap. Viterbii 1264, n. 3 Item, quia videmus quod in ista provincia studium negligitur, volumus et districte iniungimus quod priores circa hoc diligentiam maiorem apponant et ad studium cogantur fratres, et ordinent quod in qualibet septimana lectiones semel repetant; et examinentur diligenter, maxime iuvenes, a magistro studentium de hiis que in scolis per septimanam audierint a lectore. Volumus etiam quod lectores non sint faciles ad dimittendum lectiones et maxime absque priorum suorum licentia et assensu.

[92121] Cap. Viterbii 1264, n. 4 Item iniungimus districte quod in quolibet conventu ponantur duo fratres sine quorum examinatione et iudicio secundum monitionem capituli generalis alicui fratri vestis non fiat aliqua. Et iniungimus omnibus fratribus qui sargiam ultramontanam vel vestes attonsas emerunt post ordinationem capituli provincialis Viterbii celebrati, absque licentia speciali, quod III diebus in pane et aqua ieiunent et vestes huiusmodi aut vestiarie resignent aut inversas portent. Huiusmodi autem ordinationis transgressores per visitatores durius puniantur et absque dispensatione aliqua vestes tales eis auferantur.

[92122] Cap. Viterbii 1264, n. 5 Item volumus et monemus quod fratres non relaxent linguas suas contra prelatos ecclesie et maxime Romane curie; et si qui inventi fuerint contra facere, per priores et visitatores durius puniantur.

[92123] Cap. Viterbii 1264, n. 6 Item caveant priores quod iuvenes ante XXV annum ad sacerdotium non

promoveant et ad predicandum secularibus non mittant. Et admonitio quondam facta quod sacerdotes infra triennium sui sacerdotii confessiones non audiant aliquas, diligentius observetur, et revocamus omnes licentias super hoc a prioribus datas. Concedimus tamen quod priores conventuales, cum eis videbitur expedire, possint dispensare in casu necessario ad audiendas confessiones fratrum.

[92124] Cap. Viterbii 1264, n. 7 Item caveant priores ne sint faciles ad licentiandum fratres quoscumque, et maxime iuvenes, visitare monasteria monialium, vel biginas, vel sanas mulieres in domibus suis, nisi utilitas aliqua vel necessitas hoc requirat.

[92125] Cap. Viterbii 1264, n. 8 Item mandamus et districte iniungimus quod fratres nostri de aliquibus medicinis et consiliis dandis et curis infirmitatum faciendis secularibus se nullatenus intromittant.

[92126] Cap. Viterbii 1264, n. 9 Item inhibemus districte quod fratres tunicas et vestes sibi deputatas nec vendant nec commutent sine prioris sui licentia speciali. Priores autem licentias tales non dent absque legitima causa.

[92127] Cap. Viterbii 1264, n. 10 Item mandamus omnibus prioribus et eorum vicariis quod ab omnibus conversis archas auferant, exceptis que ob necessitatem officii aliquibus officialibus concedentur.

[92128] Cap. Viterbii 1264, n. 11 Item inhibemus districte ne fratres aliqui litteras provincialis alteri quam sibi missas audeant aperire vel aliquatenus occultare, sed sine more dispendio assignentur.

[92129] Cap. Viterbii 1264, n. 12 Item ordinamus quod prior provincialis habeat medietatem omnium librorum de textu fratrum decedentium de provincia nostra, ut de illis provideat tribus studentibus qui Parisius fuerint pro tempore pro provincia quolibet anno in XX libris Turon. Si quid autem residuum fuerit, in sequentem annum provincialis reservet pro provisione eadem. Libros autem de textu appellamus biblias, sententias, historias, breviaria, missalia, decreta, decretales et libros glosatos. Et volumus quod studentes predicti de huiusmodi pecunia faciant scribi scripta utilia et nostre provincie intitulent. Que scripta post mortem ipsorum studentium, vel postquam ab officio lectionis ex toto cessaverint, ad manus provincialis libere veniant, ut de ipsis provideat studentibus sicut ei videbitur expedire.

[92130] Cap. Viterbii 1264, n. 13 Socius provincialis ad capitulum generale fr. Petrus prior Lucanus.

[92131] Cap. Viterbii 1264, n. 14 Capitulum provinciale sequens ponimus Ananie in festo nativitatis beate virginis, ita quod in vigilia ipsius eligantur diffinitores, et volumus quod fratres ante III dies predictae vigilie illuc non veniant.

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Anagnie MCCLXV

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92132] Cap. Anagnie 1265, tit. 1 In nomine patris et filii et spiritus sancti amen

[92133] Cap. Anagnie 1265, tit. 2 Hec sunt acta capituli provincialis Anagnie celebrati anno domini MCCLXV

[92134] Cap. Anagnie 1265, n. 1 Volumus et mandamus quod fratres non frequentent monasteria monialium quarum cura non est ordini commissa, nec passim earum confessiones audiant, nec eis ministrent ullo modo ecclesiastica sacramenta; et qui secus fecerint, gravius puniantur.

[92135] Cap. Anagnie 1265, n. 2 Item inhibemus ne fratres notabiliter iuvenes ad sacros ordines promoveantur et precipue ad sacerdotium.

[92136] Cap. Anagnie 1265, n. 3 Item inhibemus quod fratres non sedeant ad loquendum cum mulieribus sine cappis in ecclesia.

[92137] Cap. Anagnie 1265, n. 4 Item mandamus quod fratres de negotiis civitatum, guerrarum et partium se nullatenus intromittant; et qui circa hoc inventi fuerint culpabiles, per priores et visitatores graviter puniantur et nihilominus excessus eorum provinciali capitulo nuntientur.

[92138] Cap. Anagnie 1265, n. 5 Item volumus quod frequentius dicatur in missa oratio pro domino papa, et maxime in loco ubi est curia.

[92139] Cap. Anagnie 1265, n. 6 Item volumus quod iuvenes sacerdotes, ubi et quando necesse est, scribantur ad omnia ministeria altaris.

[92140] Cap. Anagnie 1265, n. 7 Item volumus quod priores circa provisionem lectorum curam adhibeant diligentem, et eis de socio et aliis necessariis commodius studeant providere.

[92141] Cap. Anagnie 1265, n. 8 Item volumus quod ordinatio facta in alio capitulo provinciali de studio diligentius observetur.

[92142] Cap. Anagnie 1265, n. 9 Item volumus quod ammonitio facta in capitulo generali de lectoribus non eligendis in priores observetur districte et quod per priorem provincialem super hoc nullatenus dispensetur.

[92143] Cap. Anagnie 1265, n. 10 Diffinitio capituli generalis fr. Bonaspes prior Perusinus, socius eius fr.

Benvenutus de Serezana.

[92144] Cap. Anagnie 1265, n. 11 Capitulum provinciale sequens ponimus Tuderti in festo b. Dominici, ita quod in vigilia eligantur diffinitores. Alii vero fratres ante III dies dicte vigilie illuc non veniant. Committimus autem priori provinciali et eius vicario quod tempus et locum capituli mutare valeant, si visum fuerit expedire.

[92145] Cap. Anagnie 1265, n. 12 Fr. Thome de Aquino iniungimus in remissionem peccatorum quod teneat studium Rome, et volumus quod fratribus qui stant secum ad studendum provideatur in necessariis vestimentis a conventibus de quorum predicatione traxerunt originem. Si autem illi studentes inventi fuerint negligentes in studio, damus potestatem fr. Thome quod ad conventus suos possit eos remittere.

[92146] Cap. Anagnie 1265, n. 13 Conv. Pisanus solvet XXVI lib. Turon. pro studentibus qui sunt Parisius.

© 2006 *Fundación Tomás de Aquino quoad hanc editionem*  
*Iura omnia asservantur*  
OCLC nr. [49644264](#)

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Tuderti MCCLXVI

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92147] Cap. Tuderti 1266, tit. 1 In nomine domini amen

[92148] Cap. Tuderti 1266, tit. 2 Hec sunt acta capituli provincialis Tuderti celebrati anno domini MCCLXVI

[92149] Cap. Tuderti 1266, n. 1 Quoniam illustris rex Karolus semper speciali dilectione ordinem nostrum dilexit et protector eius ubique fuit, monemus et mandamus fratribus universis quod ubique et semper eius honori tam verbis quam factis intendant; et si qui inventi fuerint contrarium facere, per priores et visitatores durius puniantur et nihilominus priori provinciali per litteras studeant nuntiare.

[92150] Cap. Tuderti 1266, n. 2 Item admonemus priores ne occasione questus insolentibus dent nimiam libertatem.

[92151] Cap. Tuderti 1266, n. 3 Item volumus et mandamus quod fratres sermones et quaternos extra ordinem non vendant, nec secularibus accommodent ad scribendum.

[92152] Cap. Tuderti 1266, n. 4 Item volumus et mandamus quod priores libros defunctorum non distribuunt, nec dent fratribus sine consilio sacerdotum, et maxime libros alicuius valoris.

[92153] Cap. Tuderti 1266, n. 5 Item iniungimus prioribus universis et eorum vicariis quod cellas omnium fratrum, exceptis cellis lectorum, non permittant claudi, et clausas faciant taliter aperiri quod in eis fratres sedentes possint a transeuntibus videri; et qui hoc non fecerint, post mensem postquam eis de iniunctione innotuerit III diebus in pane et aqua ieiunent et per visitatores ad id agendum postmodum compellantur.

[92154] Cap. Tuderti 1266, n. 6 Item volumus quod constitutio de depositis omnino non recipiendis melius observetur, et quod deposita que recepta sunt, reddantur quamcitus quibus sine gravi scandalo reddi possunt.

[92155] Cap. Tuderti 1266, n. 7 Item monemus quod priores pro quibuscumque minimis non advocent sacerdotes; et si pro casibus aliquibus gravibus eos contigerit advocari, non teneantur plurimum, sed discretorum consilio assentire.

[92156] Cap. Tuderti 1266, n. 8 Item volumus et mandamus quod pecunia conversorum, cum ipsi ex ea non faciant fieri libros, auferatur ab eis, nisi que tunc ad eorum sufficiat vestimenta.

[92157] Cap. Tuderti 1266, n. 9 Item volumus quod libri defunctorum fratrum qui aliis conceduntur ad usum,

ipsis conventibus intitulentur a quibus dictis fratribus sunt concessi.

[92158] Cap. Tuderti 1266, n. 10 Item mandamus districte omnibus fratribus qui aliquid intelligunt de medicina, quod se de consulendo fratribus nullatenus intromittant.

[92159] Cap. Tuderti 1266, n. 11 Diffinitor capituli generalis fr. Hugo Senensis, socius eius fr. Synibaldus de Alma.

[92160] Cap. Tuderti 1266, n. 12 Inhibemus districte fratribus Romanis ne locum Rome novum acceptum aliquatenus alienent.

© 2006 *Fundación Tomás de Aquino quoad hanc editionem*  
*Iura omnia asservantur*  
OCLC nr. [49644264](#)

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Luce MCCLXVII

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92161] Cap. Luce 1267, tit. 1 In nomine patris et filii et spiritus sancti amen

[92162] Cap. Luce 1267, tit. 2 Hec sunt acta capituli provincialis Luce celebrati anno domini MCCLXVII

[92163] Cap. Luce 1267, n. 1 Monemus quod fratres circa studium diligentius solito sint intenti, studendo in biblia, sententiis, historiis et sanctorum scriptis et summa de casibus, et maxime iuvenes sacerdotes. Lectores autem lectiones continent, fratres solerter repetant; et circa hoc negligentes per priores durius puniantur.

[92164] Cap. Luce 1267, n. 2 Item volumus et mandamus quod fratres ad curiam Romanam nullatenus accedant sine prioris provincialis vel eius vicarii licentia speciali.

[92165] Cap. Luce 1267, n. 3 Item volumus et mandamus quod litteras cuiuscumque fratris, exceptis prelati eorum, nullus audeat aperire.

[92166] Cap. Luce 1267, n. 4 Item prohibemus quod fratres, quando mittuntur de conventu ad conventum, pulvinaria, bottas et carpitas nullatenus secum ferant, nec per alios faciant apportari.

[92167] Cap. Luce 1267, n. 5 Item, cum dicatur per provinciam quod fratres aliqui libros faciunt ad vendendum et sic in scriptura propria occupantur quod a servitiis communibus se substrahunt, volumus et mandamus quod priores in conventibus suis hoc nullatenus fieri permittant. Libros autem seu quaternos quos scripserunt absque prioris provincialis licentia, vendendi non habeant facultatem.

[92168] Cap. Luce 1267, n. 6 Item, quia frequenter turbationes oriuntur propter fratres qui egrediuntur et claves suas dimittunt, ita quod a prioribus ignorantur vel, quod peius est, extra domum aliquando secum portant, volumus et ordinamus quod quilibet prior ordinet in conventu suo duos fratres magis residentes in domo, quorum alteri fratres egredientes extra domum claves suas dimittant.

[92169] Cap. Luce 1267, n. 7 Socius provincialis ad capitulum generale fr. Prohinus.

[92170] Cap. Luce 1267, n. 8 Capitulum provinciale sequens erit Pisis circa festum Pentecostes, ad quod fratres non veniant ante tres dies vigilie Pentecostes.

[92171] Cap. Luce 1267, n. 9 Admonemus quod fratres bene loquantur de domino papa et rege Carulo.

© 2006 *Fundación Tomás de Aquino quoad hanc editionem*  
*Iura omnia asservantur*  
OCLC nr. [49644264](#)



CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Viterbii MCCLXVIII

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92172] Cap. Viterbii 1268, tit. 1 In nomine patris et filii et spiritus sancti amen

[92173] Cap. Viterbii 1268, tit. 2 Hec sunt acta capituli provincialis Viterbii celebrati anno domini MCCLXVIII

[92174] Cap. Viterbii 1268, n. 1 Volumus quod fratres de domino papa et dominis cardinalibus bene loquantur et honeste, et excessus ecclesie quantum possunt commendent et excusent. Idem etiam de domino rege Sycilie volumus observari.

[92175] Cap. Viterbii 1268, n. 2 Item fratres sint solliciti circa studium, et per priores et visitatores qui negligentes inventi fuerint durius corrigantur.

[92176] Cap. Viterbii 1268, n. 3 Item caveant fratres ne de partibus se intromittant, neque super hoc apud seculares personas se notabiles reddant.

[92177] Cap. Viterbii 1268, n. 4 Ponimus conventum Reate, ubi priorem instituimus fr. Hugonem, lectorem fr. Raynonum.

[92178] Cap. Viterbii 1268, n. 5 Diffinitor capituli generalis fr. Eufranon cui parcimus hoc anno a lectione, socius eius fr. Gerardus prior Florentinus.

[92179] Cap. Viterbii 1268, n. 6 Capitulum provinciale sequens ponimus Neapoli in nativitate beate virginis, ita tamen quod in vigilia eligantur diffinitores.

[92180] Cap. Viterbii 1268, n. 7 Committimus priori provinciali vel eius vicario quod locum et tempus capituli mutare possint, si sibi videbitur expedire.

[92181] Cap. Viterbii 1268, n. 8 Provisionem studentium committimus priori provinciali.

*Iura omnia asservantur*  
OCLC nr. [49644264](#)

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Florentie MCCLXXII

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92182] Cap. Florentie 1272, tit. 1 In nomine patris et filii et spiritus sancti amen

[92183] Cap. Florentie 1272, tit. 2 Hec sunt acta capituli provincialis Florentie celebrati anno domini  
MCCLXXII

[92184] Cap. Florentie 1272, n. 1 Volumus et mandamus quod priores et vices ipsorum gerentes in portis et sacristiis fratres instituant securos et discretos, et advenientes benigne et caritative recipiant, et claves portarum custodiant diligenter.

[92185] Cap. Florentie 1272, n. 2 Item districte inhibemus ne alicui fratri de bonis conventus pro vestibus certa pecunia concedatur, sed priores et eorum vices gerentes pannos emi faciant, et fratribus indigentibus secundum honestatem ordinis, prout facultas permiserit, in vestibus provideatur oportunis.

[92186] Cap. Florentie 1272, n. 3 Item universis prioribus et eorum vices gerentibus districtius inhibemus ne libros et alias res conventuum sine assensu conventuum expresso alienare presumant, et pretium ex libris receptum in nullum alium nisi in librorum usum aliquatenus expendatur.

[92187] Cap. Florentie 1272, n. 4 Item, volumus et mandamus ut constitutio de pecunia non portanda melius observetur.

[92188] Cap. Florentie 1272, n. 5 Iniungimus priori Viterbiensi ut pecuniam quam de Avicenna vendito recepit, in libris utilibus conv. Viterbiensi expendat.

[92189] Cap. Florentie 1272, n. 6 Studium generale theologie quantum ad locum et personas et numerum studentium committimus plenarie fr. Thome de Aquino.

[92190] Cap. Florentie 1272, n. 7 Studium artium ponimus in conv. Pisano, ubi leget fr. Ricculdus Florentinus, cuius studio deputamus et cetera.

[92191] Cap. Florentie 1272, n. 8 Volumus autem et mandamus ut conventus et loca de quorum predicatione studentes tam in theologia quam in artibus traxerunt originem, teneantur ipsis in vestibus providere.

[92192] Cap. Florentie 1272, n. 9 Diffinitor capituli generalis fr. Eufranon, socius eius fr. Salvus de Barga.

[92193] Cap. Florentie 1272, n. 10 Terminos predicationis conv. Senensis, Urbeveteris, Tudertini et Narnie

assignamus secundum quod in cedula nostris sigillis munita plenius continetur.

[92194] Cap. Florentie 1272, n. 11 Facimus visitatores et cetera.

[92195] Cap. Florentie 1272, n. 12 Iniungimus autem omnibus fratribus qui per presentem ordinationem sunt conventibus et domibus assignati, quod infra XV dies postquam huiusmodi ordinatio ad eos pervenerit, ad conventus et domos quibus deputati sunt accedant.

[92196] Cap. Florentie 1272, n. 13 Capitulum provinciale sequens ponimus Rome in festo sancti Michaelis, ita tamen quod diffinitores in vigilia eligantur. Committimus priori provinciali vel eius vicario quod tempus et locum capituli mutare possit, si sibi videbitur expedire. Volumus autem quod fratres ante tres dies predictae vigilie ad locum capituli non accedant.

© 2006 *Fundación Tomás de Aquino quoad hanc editionem*  
*Iura omnia asservantur*  
OCLC nr. [49644264](#)

CORPUS THOMISTICUM  
Acta Capitulum Provincialium  
Provinciae Romanae Ordinis Praedicatorum  
Rome MCCLXXIII

Textum a Th. Kaeppli et A. Dondaine Romae 1941 editum  
recognovit Enrique Alarcón ac instruxit

[92197] Cap. Rome 1273, tit. 1 In nomine patris et filii et spiritus sancti amen

[92198] Cap. Rome 1273, tit. 2 Hec sunt acta provincialis capituli Rome celebrati anno domini MCCLXXIII

[92199] Cap. Rome 1273, n. 1 Cum ordo noster propter animarum salutem et predicationis officium plurimum studio indigere noscatur, volumus et mandamus quod lectores continuent lectiones suas usque ad festum Iohannis Baptiste, et quod legant duas lectiones de theologia, et quod de parvis lectionibus notabiles se non reddant, et ad hoc cogi eos volumus per priores.

[92200] Cap. Rome 1273, n. 2 Item monemus lectores et mandamus eis quod prioribus suis debitam reverentiam exhibeant et pacem priorum et conventuum studeant observare; quod si secus fecerint, gravius puniantur.

[92201] Cap. Rome 1273, n. 3 Item monemus priores et mandamus eisdem quod lectores benigne et curialiter tractent, et in cibis, vestibus, cellis et sociis provideant secundum facultatem conventus et exigentiam laboris eorum et ordinis honestatem.

[92202] Cap. Rome 1273, n. 4 Item volumus et mandamus quod lectores qui supradicto modo continuant lectiones, in tempore vacationis non scribantur ad hebdomadam mortuorum vel vivorum seu ad officia chori vel refectorii, nec inviti mittantur ad questum, nec ad chorum et ad funera ire cogantur, nisi necessitas et causa subfuerit specialis.

[92203] Cap. Rome 1273, n. 5 Item monemus priores et fratres quod ad scholas portando libros studeant frequentare, nec se subtrahant, nisi causa rationabilis id exposcat; et qui de hoc notabiles se reddiderint, puniantur.

[92204] Cap. Rome 1273, n. 6 Item monemus priores et mandamus eis quod ad facienda precepta de facili non prorumpant propter fratrum scandalum et periculum animarum.

[92205] Cap. Rome 1273, n. 7 Item, cum contra priores plures querele venerint quod negligenter servitur infirmis, volumus et mandamus quod qui de cetero inventi fuerint negligentes, per visitatores durius puniantur.

[92206] Cap. Rome 1273, n. 8 Item volumus et mandamus quod libri quos studentes fieri faciunt de pecunia provisionis provincie, post eorum mortem ad manus prioris provincialis deveniant, ut per ipsum inter studentes

alios dispensentur. Huiusmodi autem libris superscribant studentes eos de pecunia provincie esse factos.

[92207] Cap. Rome 1273, n. 9 Item inhibemus fratribus ne culpas priorum vel fratrum provinciali vel eius vicariis vel visitoribus occultent, pro provinciali capitulo reservantes; quod si secus fecerint, eorum accusationes ad capitulum misse non admittantur et pro nullis penitus habeantur; et si eis videbitur quod prior provincialis, vel eius vicarius, vel visitor, non bene corrigant ipsorum negligentiam, capitulo provinciali nuntiare procurent.

[92208] Cap. Rome 1273, n. 10 Item monemus quod constitutio de vilitate vestium diligentius observetur et quod corrigiarum curiositas penitus dimittatur, nec sudariola per domum aut civitatem fratres de cetero portent.

[92209] Cap. Rome 1273, n. 11 Item monemus quod priores pecuniam non teneant et quod ab officialibus ratio reddatur frequenter coram fratribus antiquioribus.

[92210] Cap. Rome 1273, n. 12 Item inhibemus ne fratres qui cum episcopis morantur, in priorum socios eligantur.

[92211] Cap. Rome 1273, n. 13 Item mandamus prioribus et supprioribus quod studeant habere in conventibus suis constitutiones correctas; et qui post Pasca inventi fuerint non habere, per visitatores gravius puniantur. Idem mandamus fieri de hiis qui acta capitulorum generalium et provincialium in uno volumine non habent, que in conventibus legi faciant et frequenter.

[92212] Cap. Rome 1273, n. 14 Inhibemus districte fratribus universis quod de negotiis conventuum iurisperitos non consulant sine priorum consilio et assensu; quod si aliqui contrarium attentaverint, gravius puniantur.

[92213] Cap. Rome 1273, n. 15 Item monemus fratres sacerdotes quod frequenter celebrent et quod, cum ex causa a missarum celebratione impediuntur, monitionem olim factam non sacerdotibus fratribus ut bis in septimana confiteantur, in se studeant diligentissime observare.

[92214] Cap. Rome 1273, n. 16 Ponimus conventum apud Castellum, ubi ponimus priorem fr. Guarnerium Florentinum, lectorem fr. Iacobum Raynutii, conventuales et cetera.

[92215] Cap. Rome 1273, n. 17 Facimus predicatores generales fratres Vicentium Lucanum, Hubertinum Florentinum, Ugonem de Ubertinis, Iohannem de Viterbio, Bandinum de Amelia, Parisium Romanum et Thomam de Fuscis.

[92216] Cap. Rome 1273, n. 18 Sententias iudicum approbamus.

[92217] Cap. Rome 1273, n. 19 Socius prioris provincialis ad capitulum generale fr. Guarnerius Florentinus.

[92218] Cap. Rome 1273, n. 20 Sequens provinciale capitulum ponimus Neapoli in festo exaltationis sancte crucis, ita quod in vigilia eligantur diffinitores, et volumus quod fratres ante triduum capituli non veniant ad conventum, hiis dumtaxat exceptis qui ad capitulum per mare sunt venturi.

OCLC nr. [49644264](#)